

欽定大清會典事例

欽定大清會典事例卷四百九十三

禮部

喪禮

孝貞顯皇后大喪儀二

光緒七年六月十九日寅時行百日禮用楮錠五萬楮錢四萬五千色楮二萬連飯卓二十五張酒十三瓶羊九陳設儀仗讀文齊集午時

皇帝請髮王公大臣官員及八旗軍民人等俱行薙髮所有穿百日孝人員於致祭後均釋縞素此後王公百官詣

几筵前時仍服青長袍褂冠摘纓緯。○又奏准本年六

月十二日小暑。七月十三日立秋。初十日行滿月禮。停止安設。

冠服。不焚楮錠。再行百日禮。適在停止焚化期內。擬照常陳設。

冠服。祭畢徹回。均存俟中元致祭焚化。二十八日恭值。

萬壽聖節。二十六日朝奠前。

皇帝御青長袍褂。雨纓冠。詣

几筵前拈香。行三跪九拜禮。隨從之王公大臣侍衛官員。亦暫更青長袍褂。冠綴纓緯。隨同行禮。照常

三次供獻。停止舉哀。○七月十二日。

孝貞顯皇后誕辰。

皇帝於朝奠前。御青長袍褂。冠摘纓緯。詣

几筵前上香。行三跪九拜禮。齊集之王公大臣官員。俱穿青長袍褂。冠摘纓緯。隨同行禮。內鑿儀衛豫

設

儀駕於

殯宮門外。停止舉哀。其朝。晡。日中。三奠。仍照常供獻。○十五日。行中元禮。讀文齊集。

儀駕全設。用楮錠十萬。楮錢七萬。畫緞一萬端。色

楮二萬。連飯卓三十一張。羊九。酒九瓶。所有小暑以後。立秋以前。百日致祭。及四滿月致祭。禮未焚之。

冠服楮錠。均於此祭。一同焚化。餘如初祭儀。閏七月十三日午時。

陵寢東配殿恭製

孝貞顯皇后升祔

太廟神牌。暨供奉

陵寢饗殿神牌。守護

陵寢大臣等朝服上香。行三跪九叩禮。監視開工。至

升祔

奉先殿神牌。亦由禮工二部堂官各一員。上香行禮。敬

謹監視。○八月初十日。行五滿月禮。適值

宣宗成皇帝聖誕。

孝貞顯皇后几筵前。例供素饌。停設羊隻。是日三次奠

獻。亦用素品。○十一日

諭。欽天監奏。謹擇於本年九月初九日。

孝貞顯皇后梓宮奉移

普祥峪

定東陵。十七日永遠奉安。所有應行典禮及一切事宜。

著各該衙門敬謹豫備。○二十日奏准。

梓宮奉移至

陵永安

地宮以前。朝。晡。日中。三奠。擬由原派奠酒之王貝勒等

敬謹將事。○又

諭。本年九月初九日。朕奉

慈禧端佑康頤昭豫莊誠皇太后啟鑿。恭送

孝貞顯皇后梓宮奉移

普祥峪

定東陵。永遠奉安。十三日。恭送

孝貞顯皇后梓宮暫安

隆恩殿十四日。祇謁

昭西陵

孝陵

孝東陵

景陵

裕陵

定陵後敬詣

几筵前行饗奠禮畢。祇謁

惠陵十六日。敬詣

凡筵前行遷奠禮。十七日。奉安禮成。恭請

神牌還京。

升祔

太廟。二十日。朕恭奉

慈禧端佑康頤昭豫莊誠皇太后還宮。至恭請

神牌還京。仍著毋庸另備御道。所有應行典禮。並一切

事宜。著各該衙門及直隸總督。敬謹豫備。後因臣工籲請

停止。○九月初四日辰時。豫行六滿月禮。儀與

二滿月同。因梓宮正在逆次。未便舉行。是以奏改。○初六日。以

初八日

梓宮奉移

定東陵遣官告祭

天

地

太廟後殿

奉先殿

社稷。○初七日。行祖奠禮。讀文致祭。五鼓。工部設幕於
殯宮二門外之西。衆皆齊集。用楮錠五萬。楮錢五萬。色
楮五萬。連飯卓三十一張。羊九。酒十五瓶。所有

從前之絹

冊絹

寶均於此祭隨楮錠一同焚化。○初九日寅時。

梓宮奉移

普祥峪

定東陵五鼓儀仗全設。恭理喪儀王大臣率工部內務府官將

觀德殿內座罩八字牆及帷幔把蓮等項徹出。徑送至

定東陵

隆恩殿將

冊

寶案

寶牀香案香几銀五供等項。送至

蘆殿。鑿儀衛同工部官豫陳

冊

寶鳳輿。禮部堂官內務府大臣恭奉香

冊香

寶。安奉鳳輿內。俟

靈駕啟行時。校尉昇請在曲柄繖後隨行。工部官陳八

十大輦。三十二人小輦。於

觀德殿大門外。其一百二十八人所拜大舉。以城門不能容。照例於第一站宿次。豫備恭理喪儀。王大臣禮部工部內務府鑾儀衛大臣率執事官及穿駕衣校尉。豫進小舉妥協退出。屆時。

皇帝詣

梓宮前舉哀。執事官進奠几。

皇帝祭酒三爵。每祭行一拜禮。興立於左。齊集之王公百官等皆隨行禮。恭理喪儀。王大臣禮部工部內務府鑾儀衛大臣率執事官及校尉等進恭請。

梓宮由

觀德殿中門出。

皇帝由殿左門出。詣大輦之左北面跪候。

梓宮登大輦。

皇帝興。禮部堂官祭輦。奠酒三爵。每奠行一叩禮。光祿寺官豫備臺盞。禮部官遞酒杯。焚楮錢。儀仗步行前導。

梓宮啟行。四品以下有頂戴官員以上及年老不能步行之大臣官員俱在城外關廂內齊集。俟

梓宮出。皆跪舉哀。送往之王大臣官員等隨行至關廂。

外換二班時騎馬。其不送往者亦至換二班處各散。公主福晉命婦等於照常齊集之處舉哀。俟

靈駕啟行。送往之公主福晉命婦等於別路先往。其不送往者各散。喇嘛一百八衆在

觀德殿大門外恭送。

梓宮外罩加以黃色絨絡。所備幃套黃油單絨繩等項。在前相近處行走。以備需用。太監等每班派出十名。侍衛每班派出二十員。俱分班更換。在

梓宮兩邊步隨。其近前行走之王大臣侍衛內監等在

梓宮兩邊騎馬隨行。恭理喪儀王大臣。禮部工部內務府鑾儀衛大臣於

梓宮兩邊騎馬巡查照管。每換班時下馬照看。隨行之王大臣侍衛官員內監等俱下馬跪候換班畢起行時上馬。在原處隨行。此後執豹尾槍大臣章京等行走。次帶領衆人之侍衛行走。又次王大臣官員依序隨行。所過門橋內大臣二員輪班祭酒三爵。每祭一叩興。焚楮錢。光祿寺官奉壺。禮部官遞酒杯。包衣官員沿途揚撒楮錢。所有恭送末班之王大臣官員於

蘆殿相近處。掾從他路先往黃布城北門外按翼排立。

俟

梓宮至。跪迎舉哀。候過。從黃布城兩旁牆外至大門前。

按翼排立。

梓宮將至

蘆殿。王大臣官員等咸跪候。

梓宮過輿。

梓宮入

蘆殿。鑿儀衛將儀仗排設於大門前。

梓宮連槨安奉畢。禮部內務府大臣恭奉

寶安於兩旁案上。供果卓。行夕奠禮。衆皆隨行禮舉哀。

梓宮所過。沿途百里內。地方文武官員於道右跪迎舉哀。候過興。隨行至宿次。在黃布城外行三跪九叩禮。供獻時。文職在正藍旗之末。武職在鑲藍旗之末。隨班行禮舉哀。徹卓張畢。衆皆散。鑾儀衛徹儀仗。工部官帶領執事人等將大輦兩旁。敬謹加添一百二十八人肩楨。○次日早。陳儀仗。衆皆按翼齊集。行朝奠禮。焚楮錢。衆隨行禮。

禮部內務府大臣恭奉

冊

寶安奉鳳輿內。仍在曲柄繖後隨行。

梓宮啟行。執儀仗校尉騎馬前導。王公大臣官員等按翼排跪舉哀。候過隨行。至換班處乘馬。仍在原處行走。所有拜請

梓宮夫役。分為六十班。輪流拜請。自

觀德殿奉移至

山陵頭班末班俱用校尉。餘班俱選精壯民夫。每班多備四名。共計夫役七千九百二十名。再派校尉

四十名。均穿駕衣。每班派令四名在兩旁步行。遇夫役內有力不勝者。即令更換。其餘三十六名。令騎馬在儀仗前兩旁行走。更替。每班管轄夫役。以少卿科道以下。主事以上。八旗公侯伯以下。護軍參領雲騎尉以上。前鋒參領。八旗參領。副參領。上三旗頭等侍衛。下五旗王府長史內。移取能事者。每班四名照管。每班仍派鑿儀衛官二員。指示更換進退。搭綵頭目八人。分為二班。輪擊響尺。每宿。

盧殿前門及

梓宮前點香燈。各派太監十名。內裏太監俟香燈盡時。將香鑪內炭火止息。出與前門太監十名。輪班坐更守護。後門亦派太監二十名看守。圍牆內外。豫備激桶八座。由八旗步軍營取用。每旗派章京一員。領催兵丁各十名。每日清晨。令各旗擡至宿處。每宿。交地方官於

廬殿周圍設放水缸。滿盛清水。

靈駕至日。除在

陵該班人員外。其王公大臣侍衛官員包衣佐領拜唐阿等。在興隆口外跪迎舉哀。俟過隨行。紅門不

能容一百二十八人大楨。豫將紅門牆酌量拆卸。安設柵欄。候進照舊修砌。

梓宮至

定東陵門外。換三十二人小輦。由中門進。

梓宮轉正。安奉於

隆恩殿正中。徹小輦。安設座罩八字牆黃幔素帷香几把蓮五供等項。禮部內務府大臣恭奉

冊

寶於兩旁案上。一切安奉畢。供果卓。行禮舉哀如儀。衆各退。遣官告祭各

陵暨

后土

山神。○十四日。行饗奠禮。衆皆齊集。用楮錠三萬。楮錢三萬。色楮三萬。連飯卓二十五張。羊七。酒十五瓶。讀文致祭。儀與祖奠同。○又以十七日

梓宮奉安

山陵遣官告祭

天

地

太廟後殿

奉先殿

社稷。○十六日辰時。行遷奠禮。工部豫建
廬殿於方城門外。設龍輜於

廬殿內正中。於方城接造平臺。支搭戲橋。

陵寢門外亦搭戲橋。入

地宮隧道。自方城至

寶牀前。俱合龍輜輪轂。鋪墊木板。成造木軌。

寶牀前亦造木牀。高同龍輜。以備應用。是日陳設儀仗。
用楮錠五萬。楮錢三萬。色楮三萬。連飯卓二十
五張。羊七。酒十五瓶。衆皆齊集。讀文致祭。其

冠服楮錠陳於燎所。暫停焚化。俟奉安龍輜畢。將儀仗請出。一同焚化。工部備小輦。恭理喪儀。王大臣帶領搭綵人入。

饗殿恭拜

梓宮由中階下。登戲橋入。

陵寢中門。至平臺。奉安於

蘆殿正。中北嚮龍輜上。徹小輦。解去包衣圍緞等項。禮部內務府堂官恭請

冊

寶。工部內務府官隨將

冊

寶案徹出。陳設於

蘆殿內

梓宮兩旁。禮部內務府堂官恭奉

冊

寶陳於案上。供果卓。行禮畢。衆皆退。○十七日卯時。

梓宮奉安

地宮。工部內務府豫期慎簡工役。執事王大臣祇率將
事。內外齊集。行禮畢。執事者恭奉龍輜。由軌道

行入

地宮侍衛執鐙前導。王大臣隨入。敬視奉安。

寶牀上。派出奉

冊

寶之王。豫行恭奉

冊

寶。安奉左右石几上。執事以龍輜木軌出。衆皆退。掩閉

石門。大葬禮成。遣官告祭。

昭西陵

孝陵

孝東陵

景陵

裕陵

定陵

惠陵並

后土

山神。○是日恭題

神主。行虞祭禮。鑿儀衛豫設

黃輿於

饗殿前丹陛上。工部內務府設

寶座於殿內正中。前設供案。又前設香案。俱南嚮。設題

主案於香案東旁西嚮。設帛爵案於東旁稍次。設祝案於殿內稍西。設

神主。櫛案於

寶座東旁南嚮。派出啟櫛之大臣。豫從

東配殿恭請

神主。連櫛安奉於

寶座東旁南嚮案上。太常寺讀祝官豫設祝文於祝案上。屆時恭代王及執事陪祀各官均蟒袍補服題

主大學士朝服。贊引對引各官。引恭代王由

隆恩門右門入。至正面西階。詣檐下中間嚮上立。鴻臚寺官引王以下。八八分公以上。由東西臺階行至丹陛上。文官五品以上。武官四品以上。在丹陛下。各按翼排立。派出啓積之大臣進啓積。恭奉。

神主安奉於題

主案上。倚供於黃緞枕褥上。退立。滿漢大學士各一員。詣題。

主案。東嚮行一跪三叩禮。興就題。

主位立。恭題。

神字空處題畢。恭奉

神主立供於案上。行一跪三叩禮。退立。贊引官引恭代

王由

隆恩殿右門入詣題

主案前。恭奉

神主跪安於

寶座上。行三叩禮。興退。贊引官引恭代王仍由右門出。

至檐下西旁立。乃行虞祭禮。典儀官唱執事官各
司其事。贊引官贊就位。恭代王就檐下拜位立。
王以下各官成就位立。所有上香讀祝三獻送

燎均如儀。禮畢。太常寺堂官嚮上跪奏請

神牌升輿詣

太廟祔饗。奏畢。行三叩禮退。鴻臚寺官引王以下至丹
陛下。於各官之前按翼排立。贊引對引各官引

恭代王詣

寶座前。行一跪三叩禮。恭奉

神牌興。贊引對引各官大學士導引。由中隔扇出。至丹
陛跪安於

黃輿內。行三叩禮興。退立西次。校尉并

黃輿啟行。前列

御仗二對。黃蓋一柄。禮部堂官二員同前引十大臣大學士二員並引導侍衛二十員前行。領侍衛內大臣帶領侍衛班領執豹尾槍侍衛在

黃輿後隨行。侍衛什長二員帶領侍衛十員在豹尾槍兩翼行走。

神牌黃輿過時。王以下官員俱跪候過輿隨行。至隆恩門。

神牌黃輿由中門出。大學士止立左右。恭代王由右門出。稍遠換藍袍青褂。冠綴纓緯。所有前引後扈以及執事各官均換藍袍青褂。冠綴纓緯。至原

下馬處乘馬。依次行走。

神牌黃輿至第一站

黃幄內。執事官設供案於

神輿前。陳果品十二盤。酒三爵。又前設香案畢。贊引官

引恭代王詣

黃幄前。行夕祭禮。就拜位立。奉香官舉香盒進。至香案
右立。恭代王詣香案前。奉香官跪進香盒。恭代
王跪接香盒拱舉。仍授奉香官。興。三上香畢。就
拜位。行三跪九叩禮畢。贊引官引恭代王退。王
以下大臣官員不隨行禮。○次日早。執事官於

神輿前供酒畢。贊引官引恭代王詣

黃幄前。行朝祭禮。上香如前儀畢。就拜位。行一跪三叩禮畢。贊引官引恭代王立西次。報事官徹香案。供案於兩旁。鑾儀衛官領校尉恭昇

神輿啟行。前列

御仗黃蓋。前引後扈如儀。

神輿出。恭代王於西側跪。候過輿隨行。王公百官於網城外。各按翼跪。候

神輿過輿隨行。其百里以內文武官員俱朝服。於百步外跪迎道右。晚至宿次叩謁。行三跪九叩禮。此

後每站朝夕祭一應禮儀均照此行至

神輿到京之日恭送之王公百官均朝服隨行○二十

二日

孝貞顯皇后神牌黃輿還京

升祔

太廟詳見升祔儀同日

升祔

奉先殿詳見內務府祀典○八年三月初十日行初周年禮致

祭於

定東陵明樓前搭造平臺戲橋張

黃幄。陳

冠服篚於供牀。設站卓於臺上正中。祭文案於階上之西。張幕於

隆恩殿東旁。列羊酒於幕內。陳燎牀於燎所用楮錠五萬楮錢五萬。色楮五萬。羊九。酒十五瓶。連飯卓三十一張。讀文致祭。衆皆齊集。在京之王公大臣官員派三分之一之半前往行禮。恭代王及執事行禮。王公官員均青長袍褂冠。摘纓緯。

陵寢禮部官恭奉祭文進

隆恩門中門由

隆恩殿東旁行入

陵寢門中門設於案。王以下入八分公以上於

陵寢門外未入八分公以下及滿漢大臣官員於

隆恩門外配房前按翼序立。屆時恭代王進

隆恩門西門由

隆恩殿西旁行入

陵寢門西門於

黃幄外西旁東嚮立舉哀。衆咸舉哀。恭代王詣拜位立。

尚茶奉茶。恭獻於案。恭代王行一叩禮。衆隨行。

禮。尚茶徹茶。次尚膳奉湯飯進獻於案。揭巾罽。

執事官進奠几讀祝官奉祭文於祝案左跪

陵寢禮部官左右跪恭展祭文恭代王跪衆隨跪哀暫止讀文畢陳於案退傳哭如初

陵寢內務府官執壺遞酒杯恭代王祭酒三爵每祭行一叩禮衆隨行禮恭代王退至原處立乃徹饌恭代王由原進門出於

隆恩門外月臺上西旁祇俟讀祝官奉祭文

陵寢禮部官二員前導

陵寢拜唐阿之妻恭奉

冠服篋以次由

陵寢門中門出從

隆恩殿東旁行出

隆恩門中門恭代王跪俟

冠服篚過興隨行齊集之王公大臣官員等俱依次跪

候

冠服篚過興在後稍遠隨行至燎所楮堆處西旁排立

俟

冠服祭文以次恭安於燎牀畢恭代王詣祭酒位跪衆

皆跪

陵寢內務府官執壺禮部官遞酒杯恭代王祭酒三爵

每祭行一叩禮。衆隨行禮跪哭。哀止興。各退。○
九年三月初十日。行二周年禮。讀文致祭。在京
之王公大臣官員。派三分之一之半。前往行禮。
所有致祭事宜禮節。與初周年同。○六月初六

日。

定東陵明樓前。遣王行釋服禮。用楮錠五萬。楮錢四萬
五千。色楮二萬。羊九。酒十三瓶。連飯卓二十五
張。讀文致祭。衆皆齊集。恭代王及執事行禮。王
公官員。均青長袍褂。冠摘纓緯。在京之王公大
臣官員。派三分之一之半。隨往行禮。

停止奠化
期內例不

設冠服一切禮儀與周年同。祭畢冠綴纓緯各
退。○十二月十七日

諭本日禮部奏。明年三月初十日。

孝貞顯皇后三周年忌辰。應否遣王恭代行禮一摺。敬
念

孝貞顯皇后奉安禮成後。朕尚未得恭詣

山陵。春露秋霜。不勝悲愴。來年三月。瞬息三周年之期。
方擬躬親展謁。稍盡慕忱。乃值本年畿輔水災。極
重。小民困苦異常。若再以蹕路經行。致煩供億。閭
閻實有難堪。不得不酌經行權。因時通變。屆期著

遣恭親王奕訢敬詣

普祥峪

定東陵恭代行禮。並於初九日清明致祭。行敷土禮。所
有一切事宜。著各該衙門敬謹豫備。

欽定大清會典事例卷四百九十四

禮部

喪禮

孝哲毅皇后大喪儀

孝哲毅皇后大喪儀。光緒元年二月二十日。

孝哲毅皇后崩。欽奉

慈安端裕康慶皇太后

慈禧端佑康頤皇太后懿旨。嘉順皇后孝敬性成。溫恭夙著。茲於本日寅刻遽爾崩逝。距大行皇帝大喪未逾百日。復遭此變。痛何可言。著於壽康宮行斂奠禮。擇期移至永思殿暫安。所有一切事宜。並派恭親王

奕訢會同恭理喪儀。王大臣暨各衙門查照例案。隨時妥籌具奏。○又

諭派禮親王世鐸。禮部尚書萬青藜。總管內務府大臣魁齡。工部右侍郎桂清。恭理喪儀。○又奏准。初喪治喪事宜服色。○初喪日。

皇帝率王公百官咸成服二十七日。惟現在

大行皇帝喪服百日內。應請

皇帝毋庸另行成服。

內庭主位等成服十三日而除。

大行嘉順皇后感宮內女子內監。翦髮截辮成服百日。

內鑾儀衛設

儀駕於

壽康宮門外。工部設引幡於

壽康宮門外之右。設九龍帳幔及兩旁白綾帷幔於殿

內。一。親王以下有頂戴官員以上。及三旗內務

府官員等均先摘冠纓齊集。公主親王福晉以

下。鄉君奉恩將軍恭人以上。民公夫人以下。二

品命婦以上。及三旗內務府命婦婦人等均先

去首飾齊集。其

內庭主位等俱在

几筵前齊集。一。恭理喪儀。王大臣並

殯宮守衛執事暨

大行嘉順皇后姻戚。均百日除服。一。王以下奉恩將軍以上。民公侯伯以下。有頂戴官員等以上。各給白布成服。罷斥及閒散宗室覺羅。亦准成服。二十七日而除。均百日內不薙髮。一。公主福晉以下。鄉君奉恩將軍。恭人以上。民公侯伯一品夫人以下。侍郎男夫人以上。及三旗內務府之命婦。婦人等。咸令成服。二十七日而除。一。外藩額駙。王公台吉。公主福晉。郡主等。於服內來京者。

亦令成服。

堂子官吏。

神殿執事官員男婦內監。

壇

廟

奉先殿官員內監。

陵寢官員內監出征將軍以下兵丁以上妻子漢官命婦皆停給孝服。軍前不摘冠纓。本家現有出痘及父母親喪人等暫停給孝服。九日內不辦事。十三日內各衙門恭呈。

皇太后奏疏仍用硃印。其餘奏疏文移俱用藍印。王公大臣等十三日內朝晡二次奠獻齊集舉哀。十三日後每朝奠齊集一次。二十七日後停止。遇祭仍齊集。公主福晉以下男夫人以上三日內每日二次齊集。第四日朝奠時齊集。初祭後停止。遇祭仍齊集。內務府佐領內管領下官員護軍領催等之妻三日內每日朝晡奠二次齊集。舉哀三日後每日以一旗輪流齊集。二十七日內王公各於該府第齋宿。部院堂司官於各該部院各旗都統參領佐領及散秩官於本

旗衙門齋宿。在京軍民人等。咸於七日內男
摘冠纓女摘耳環。一月後薙髮。其在京旗人。仍
百日後薙髮。又奏行斂奠禮。所司於

壽康宮殿內陳設如儀。諸執事咸備。

皇帝出宮至

壽康宮門外降輿。立於殿檐東西嚮舉哀。

內庭宮眷等立於門內。公主近支福晉夫人立於
後。王公以下。文武有頂戴官員以上。及三旗內
務府官員等於

壽康宮門外兩旁齊集。諸王福晉公夫人以下。二品命

婦鄉君奉恩將軍恭人以上於

壽康宮門內兩旁齊集。三旗內務府之命婦婦人等於階下兩旁齊集。衆皆舉哀。內務府大臣命婦率尚茶尚膳女官。由中門入。尚茶女官跪進茶。奠於案。行一叩禮。

皇帝率王公百官皆北面跪拜興。徹茶。尚膳女官揭巾罽。上食畢。執事官進奠几。內監跪進爵。

皇帝受爵三奠。每奠行一拜禮。衆隨行禮。徹奠。哀止。皇帝乘輿還宮。衆各退。本日奉

旨。所有尚茶尚食進爵各事宜。著改在外邊伺候。餘

依議。○二十一日。欽奉

慈安端裕康慶皇太后

慈禧端佑康頤皇太后懿旨。大行嘉順皇后暫安壽康宮。每日朝晡日中三奠。著內庭主位等奠酒行禮。尚茶尚食。著女官承應。執壺蓋著太監承應。奉移永思殿後。著崇凱崇勳崇需葆初克昌等輪流奠酒。○二十五日。以次日

梓宮奉移。遣官於

大行皇帝几筵前。行告祭禮。○是日行啟奠禮。五鼓工

部設幕於

壽康宮門外之西置奠几。陳燎牀於燎所。具楮幣。設祭
文案於殿內稍西。內鑾儀衛官校陳儀仗。內監
設

冠服篚於供牀。恭理喪儀。王大臣內務府大臣率執事
官陳果筵於

几筵前。列饌筵於階下兩旁。羊酒於幕內。讀祝官奉祭
文。禮部堂官二人前引。由中門入。陳於案出。王
公百官等各辨位集俟。辰時。

皇帝詣

几筵前。東立西嚮。舉哀。內外齊集者咸舉哀。尚茶跪進。

茶衆皆跪

皇帝舉茶奠於案。行一拜禮。衆隨行禮。尚茶徹茶。次尚膳進膳。揭巾罩。

皇帝上食畢。讀祝官奉祭文於案左跪。禮部堂官二人左右跪。恭展祭文。執事官進奠几。

皇帝跪。衆皆跪。哀暫止。讀文畢。復於案退。舉哀如初。奉爵大臣跪進爵。

皇帝祭酒三爵。每祭一拜興。衆隨叩興。

皇帝復位。乃徹饌。讀祝官奉祭文。禮部堂官前引。由中門出。送至燎所。內監恭請。

冠服。篚。宮殿監侍二人前引。由中門出。

皇帝豫出殿門。

冠服至。

皇帝跪候過興還宮。

冠服由中門出。齊集者咸跪候過興。皆退避。福音命婦咸出隨行。至楮堆處俟。

冠服恭安於燎位畢。祭酒之福音等於燎所跪。女官遞酒杯祭酒三爵。每奠行一叩禮。衆隨行禮。跪舉哀。哀止興。各退。○二十六日卯時。

梓宮奉移

永思殿殯宮。工部內務府將黃幔素帷及供牀几案五
供把蓮等項。豫先徹出。送往。

殯宮陳設。工部備大昇輦及小輦於門外。上駟院備馬
四十八匹。駝包十八副。鑿儀衛儀仗全設。工部
設

冊

寶綠亭。恭昇

梓宮夫役等共分六班。班各八十人。每班外各備八人。
初班末班用校尉。中四班用民夫。均衣駕衣。分
班立俟。屆時。

皇帝詣

梓宮前舉哀。執事官進奠几。

皇帝祭酒三爵。每祭行一拜禮興。退至檻外東旁立。
禮部內務府大臣恭奉

冊

寶陳於綵亭內。校尉舁行。執事官校進小舉。恭奉
梓宮啟行。

皇帝於

壽康宮丹陛上西嚮跪。舉哀候過興。豫往

永思殿祇俟。

內庭宮眷亦由

神武門豫往祇俟。

梓宮登大昇輦。禮部堂官祭輦。奠酒三爵。行三叩禮。衆隨行禮畢。焚楮錢。校尉昇行。

冊

寶亭及

儀駕前導。恭理喪儀。王大臣。禮部。工部。內務府。堂官暨王貝勒等兩旁隨行。包衣佐領管領下派婦女一百八十名。乘馬隨行。太監十八名。沿途照料行走。其次豹尾槍隨行。所有應行齊集人

員。王以下至奉恩將軍間散宗室覺羅等於

西華門外按翼齊集。內務府官員在北池口內齊集。左翼大臣官員等在北長街齊集。右翼大臣官員等在

景山後西北角齊集。漢大臣官員在

景山後東北角齊集。皆候

靈駕至。舉哀跪迎。候過隨行。恭昇

梓宮人夫頭目四人。服喪服。擊響尺。每班派公侯伯頭等侍衛以下參領輕車都尉以上。並給事中御史郎中員外郎等官四員。照看管轄。派鑾儀衛

官四員。指示進退。換班行走。其擡舁引幡人等亦分六班。班各三十二人。班外各備四人。均衣駕衣。在前舁行。部院官包衣官各四員。分為二班。照管隨行。內務府官擡撒楮錢。所過門橋。內大臣奠酒三爵。光祿寺官豫備臺盞。禮部官遞酒杯。工部官焚化楮錢。擡舁擎執皮箱鏡架面盆蠅拂等小儀仗。派內管領下人役。分班在儀仗馬前兩旁行走。內務府郎中員外郎佐領管領等二十人。分班指示照看。喇嘛一百八衆。在

永思殿大門外西旁恭迎。並豫設鷹狗於大門外。

梓宮將至。王以下。三品官以上。於

永思殿大門外齊集。四品官以下。及內務府官員等。於
景山東門外齊集。

內庭主位。並

大行嘉順皇后姻戚等。豫至。

永思殿後兩旁齊集。王福晉以下。一品命婦以上。豫至。
永思殿二門內齊集。二品夫人以下。及內務府命婦。婦
人等。豫至。二門外齊集。均俟跪迎舉哀。

梓宮至。恭代行禮。王於大門外跪迎。後退立。俟鑾儀衛
大臣率校尉恭請。

梓宮轉正暫停。恭代王於

梓宮西旁稍後北嚮。行三跪九叩禮畢。

梓宮由大昇舉登小舉。

皇帝豫往

永思殿大門外。跪迎舉哀。

梓宮由中門入。

皇帝隨入。王以下等官於大門外按班序立。恭理喪

儀。王大臣等率官校奉安。

梓宮於正殿設引幡於大門外之西。陳儀仗於大門外

兩旁。陳小儀仗於門內兩旁。設

冊

寶案於

梓宮前兩旁。禮部內務府大臣由綵亭內恭奉

冊

寶安設於案。

皇帝詣

几筵前。祭酒三爵。禮部堂官遞酒杯。每祭行一拜。禮衆皆隨行禮畢。焚楮錢。引幡隨同焚化。闔門哀止。衆皆退。

梓宮前每日三次照常供獻。設儀仗。俟滿月祭畢停止。

祭日仍設。每日點香鐙。交。

大行嘉順皇后宮首領太監辦理。○二十七日。欽奉
慈安端裕康慶皇太后。

慈禧端佑康頤皇太后懿旨。三月十一日辰時。行大行
皇帝百日致祭禮。皇帝於巳時請髮。王公百官軍民
人等一律薙髮。皇帝暫釋縞素。後仍率王公百官等。
自大行嘉順皇后崩逝之日起。補足二十七日喪服。
仍百日請髮。○二十八日。行殷奠禮。儀與啟奠同。○
三月初一日。日日食。係在喪服二十七日期內。救
護各官。咸素服冠綴纓緯行禮。○初七日。行初

祭禮儀與殷奠同。○次日繹祭。遣官行禮。不讀文。○初八日奉

旨。三月十五日釋縞素後。仍御青長袍褂。除

大行嘉順皇后几筵前執事人員仍穿縞素外。所有王

公百官等均穿尋常袍青褂。夏季仍用緯帽。○初

九日。行大祭禮。儀與初祭同。○次日繹祭。儀與

初祭次日繹祭同。○十一日奏准。應行恭頌

敕諭。直省文武各官。於奉到

諭旨之日。摘冠纓。齊集公所。舉哀三日。不辦事。持服

二十七日而除。二十七日內不嫁娶。不作樂。以

大行皇后崩逝日為始。不雜髮百日。軍民人等摘纓不嫁娶。不作樂七日。督撫以下。免其遣官進香。朝鮮國侯該使臣到京。再行發給齋回。○十五日。行釋縞素禮儀。與初祭同。

皇帝釋縞素還宮。○二十日。行初滿月禮。工部設幕於

殯宮二門外之西。置奠几。陳燎牀於燎所。具楮幣。內鑿儀衛官校設

儀駕。內監設

冠服篚於供牀。執事官陳果筵於

几筵前。列饌筵於階下兩旁。羊酒於幕內。王公百官等咸辨位集俟屆時。

皇帝詣

几筵前。東立西嚮。舉哀。內外齊集者咸舉哀。尚茶跪進茶。衆皆跪。

皇帝舉茶奠於案。行一拜禮。衆隨行禮。尚茶徹茶。尚膳進膳。揭巾窳。

皇帝上食畢。執事官進奠几。

皇帝跪。衆皆跪。奉爵大臣跪進爵。

皇帝祭酒三爵。每祭一拜興。衆隨叩興。

皇帝復位乃徹饌內監恭請

冠服宮殿監侍二人前引由中門出

皇帝豫出殿門

冠服至跪候過興還宮

冠服由中門出王公百官等俱跪候過興皆退避福晉

命婦等咸出隨行至楮堆處俟

冠服恭安於燎牀祭酒之貝勒夫人於燎所跪衆皆跪
女官遞酒杯祭酒三爵每奠行一叩禮衆隨行
禮哀止興各退○四月初一日孟夏時饗

太廟初十日行

常雩禮奉

旨。

天壇大祀所有上

壇承祭執事官員及

太廟殿內承祭執事官員均著於齋戒前一日先行薙髮。○大學士九卿等欽遵

諭旨。謹擬恭上

大行嘉順皇后尊諡曰

孝哲嘉順淑慎賢明憲天彰聖毅皇后。○二十日。行二

滿月禮。儀與初滿月同。嗣後每滿月禮均同。○五月初三

日辰時書寫刊刻

尊諡

冊

寶。○初五日端陽節。

几筵前致祭。用楮錠四萬五千。楮錢四萬五千。色楮二萬。連飯卓十九張。羊九。酒九瓶。陳設儀仗。齊集行禮。○初六日。

尊諡

冊

寶填青。○初九日。以十二日恭上。

尊諡

皇帝於宮內致齋。○十一日。以次日恭上。

尊諡告祭

天

地

太廟後殿

社稷承祭及執事各官均朝服告祭

奉先殿承祭及執事各官均補服

穆宗毅皇帝几筵前承祭及執事各官均青長袍褂冠

摘纓緯。○十二日恭上

尊諡。

皇帝御青長袍褂。冠綴纓緯。乘輿出。

乾清門由。

中左門至。

太和門北階降輿。禮部堂官二員導引由。

太和門左門出。詣案前北嚮立。恭閱。

冊

寶畢。就拜位行三跪九拜禮。轉立東次。大學士二員詣

冊

寶案前。各行一跪三叩禮。恭奉。

冊

寶匣。由中階下。安奉於綵亭內。復行一跪三叩禮興。禮部堂官奏禮成。

皇帝乘輿還宮。易縞素。鑾儀衛官豫設儀仗於

永思殿大門外。內務府工部太常寺官設祭品帛爵。點香燭。添設果品十二色。讀祝官豫奉祝版安奉祝案上。屆時。大學士二員禮部堂官二員各詣綵亭前。行一跪三叩禮興。大學士恭奉香

冊香

寶。禮部堂官恭奉絹

冊絹

寶前引十大臣暨前引堂官二員前引。由中門中路行。至月臺下。前引十大臣止於階下排立。前引堂官二員仍引至殿門外止於檐下稍南排立。大學士等恭奉香絹。

冊

寶入殿中門。並安於東旁案上。各行一跪三叩禮。出立於東西檐下。司拜褥官豫設。

皇帝拜褥於行禮處。欽天監報時。

皇帝服縞素乘輿出宮。至

永思殿大門外降輿。贊引對引各官恭導。

皇帝從大門東門進。至拜褥前立。鴻臚寺官引王以下。入八分公以上。按翼由東西旁門入。立於階下。引未入八分公以下。滿漢文武官四品官以下。在大門外按翼排立。典儀官唱執事官各司其事。贊引官奏就位。

皇帝就拜位立。司香官奉香盒至香案前立。贊引官奏詣上香位。司香官豫跪。贊引官恭導。

皇帝至香案前立。奏跪。

皇帝跪。奏上香。司香官進香盒。

皇帝接香盒拱舉。仍授司香官興。

皇帝三上香畢。奏復位。

皇帝復位立。奏跪拜興。

皇帝率羣臣行三跪九拜禮興。奏跪。

皇帝跪。羣臣皆跪。典儀官唱進。

冊奉

冊大學士至

冊案前。行一跪三叩禮興。恭請香

冊連箱跪進於左。

皇帝受

冊拱舉授左旁禮部堂官。禮部堂官跪接興。恭奉安設
於東邊几案上。行一跪三叩禮退。典儀官唱進
寶奉。

寶大學士至

寶案前。行一跪三叩禮興。恭進香

寶連盞跪進於左。

皇帝受

寶拱舉授右旁禮部堂官。禮部堂官跪接興。恭奉安設
於西邊几案上。行一跪三叩禮退。典儀官唱宣

冊宣

冊官詣東旁案前行一跪三叩禮將絹

冊自匣奉出跪宣畢典儀官唱宣

寶宣

寶官詣東旁案前行一跪三叩禮將絹

寶自匣奉出跪宣畢包裹安於匣內俱行三叩禮退贊

引官奏拜興

皇帝行三跪九拜禮衆隨行禮興典儀官唱奠帛爵
行初獻禮奉帛王跪供帛匣於正中香案上行
三叩禮退獻爵王奉爵立獻於供案正中退讀
祝官詣案前行一跪三叩禮興奉祝版於祝案

之東跪贊引官奏跪。

皇帝跪。衆隨跪。贊讀祝。讀畢。奉祝版安於帛匣內。行三叩禮退。奏拜興。

皇帝行三拜禮。衆隨行禮興。典儀官唱行。亞獻禮。獻爵。王奉爵立。獻於供案上之左。退。唱行終。獻禮。獻爵。王奉爵立。獻於供案上之右。退。贊引官奏拜興。

皇帝行三跪九拜禮。衆隨行禮興。典儀官唱恭奉。

冊

寶祝帛送燎位宣

冊宣

寶官奉祝文官奉帛王至各案前跪俱行三叩禮恭奉

絹

冊絹

寶祝帛興由中門出前引十大臣向前引堂官二員仍

接引恭送燎位贊引對引各官恭導

皇帝轉立東旁司拜褥官跪起拜褥俟絹

冊絹

寶祝帛過畢仍跪鋪拜褥退贊引對引各官恭導

皇帝復位立鴻臚寺官引王公百官避立兩旁數帛

官數帛畢。贊引官奏禮成。同對引官恭導。

皇帝由原進門出。乘輿還宮。衆皆退。○是日恭上

尊諡禮成後。凡章奏文移。俱恭書。

孝哲毅皇后翼日。頒

詔布告天下。○二十一日奏准。小暑至。立秋節內。

凡筵前行滿月禮致祭。請停止安設。

冠服。其楮錠俟中元致祭時。一同焚化。每年此。○二十四

日。行百日禮。儀與初祭同。○六月二十八日。

皇帝萬壽聖節。王公百官隨入

殯宮時。暫更青長袍褂。雨纓冠。至

几筵前拈香時。執事人等仍摘纓緯。○七月初一日恭

逢

孝哲毅皇后誕辰。停止舉哀。朝晡日中三奠。仍照常供

獻。

皇帝朝奠前。御青長袍褂。冠摘纓緯。詣

几筵前。上香。行三跪九拜禮。齊集之王公百官。俱穿青
長袍褂。冠摘纓緯。隨同行禮。○十一日

諭。本年九月十八日。

穆宗毅皇帝

孝哲毅皇后梓宮奉移

山陵所有應行典禮並一切事宜著各該衙門及直隸

總督敬謹豫備

此後凡遇奉移奉安禮節事宜均詳載穆宗毅皇帝大喪儀

○十五日行中元禮儀與初祭同○八月初二日奏准

梓宮奉移

山陵後每滿月致祭

儀駕全設由直班王大臣暨

東陵派撥官員等敬謹將事應齊集者各辨位集俟每
祭用楮錠二萬楮錢一萬連飯卓十一張羊五
酒五瓶恭設畫殿

冠服於供牀。設幕於門外。陳燎牀於燎所。具楮幣。陳果筵於

几筵前。列饌筵於階下兩旁。羊酒於幕內。執事及應行齊集者按翼排立。屆時承祭官由右門入。至殿門外西旁立。舉哀。衆隨舉哀。茶膳豫供。執事官進奠几。

陵寢內務府官執壺遞酒杯。承祭官祭酒三爵。每祭行一叩禮興。衆隨叩興。乃徹奠。承祭官立於右。

陵寢官恭奉

冠服篚出。承祭官跪候過興。

冠服至月臺。直班之大臣侍衛等前引。

陵寢大臣官員等均依次跪候過興。

冠服至燎所。安於燎牀上。直班王大臣祭酒三爵。每祭行一叩禮。衆隨叩。哀止興。各退奉安。

地宮以前。每滿月致祭。按照遵行。○九月十五日。以十

八日

梓宮奉移。遣官告祭。

天

地

太廟後殿

奉先殿

社稷並

穆宗毅皇帝几筵前。○十七日行祖奠禮儀與啟奠同。

清明所供之寶花及從前絹

冊絹

寶俱於此祭焚化。○十八日五鼓儀仗全設工部內務

府官將

冊

寶案

寶牀香案几銀五供等項由

永思殿移出送至

蘆殿黃幔素帷等項送

隆福寺暫安處

梓宮前陳設之香

冊香

寶設於鳳輿內俟

靈駕啟行時校尉昇請在曲柄繖後隨行工部官陳八

十大舉及三十二人小舉於

永思殿大門外其一百二十八人所昇大舉以城門不

能容照例於第一站宿次豫備執事官及穿駕

衣校尉豫進小舉。敬謹豫備妥協退出。屆時恭
代王詣

梓宮前舉哀。執事官進奠几。恭代王祭酒三爵。每祭行
一叩禮興。立於右。校尉等恭請

梓宮出

永思殿大門。登大舉。禮部堂官祭舉。祭酒三爵。每祭行
一叩禮。焚楮錢。王公百官等各辨位集俟。四品
以下。有頂戴官員以上及年老不能步行之大
臣官員俱在城外關廂內齊集俟。

梓宮至。皆跪舉哀。往送之王公百官等隨行至關廂外。

換二班時騎馬。其不往送者各散。公主福晉命婦等在照常齊集處舉哀。俟

靈駕啟行。往送之公主福晉命婦等於別路先往。其不往送者各散。喇嘛一百八衆在

永思殿大門外恭送。太監每班十名。侍衛每班二十名。分班更換隨行。近前行走之王大臣侍衛內監等在

梓宮兩旁騎馬隨行。恭理喪儀王大臣禮部工部內務府鑾儀衛大臣於

梓宮兩邊騎馬巡查照管。此後帶豹尾槍大臣章京等

行走。次帶領衆人之侍衛行走。又次王大臣官員依次行走。所過門橋內大臣二員輪班祭酒三爵。每祭一叩興。焚楮錢。包衣官員沿途揚撒楮錢。至

蘆殿相近。末班王大臣官員豫從他路。先往黃布城北門外。按翼排立。

梓宮至。跪迎舉哀。候過從黃布城兩旁牆外。至大門前。按翼排立。

梓宮連槓安奉畢。禮部內務府大臣恭奉

冊

寶於

梓宮兩旁案上供果卓。行夕奠禮。

皇帝祭酒三爵。每祭行一拜禮。衆皆隨行禮。舉哀。沿途百里內地方文武官員於道右跪迎。舉哀。候過至宿處。在黃布城外行三跪九叩禮。舉哀。徹卓。張畢。各散。○十九日早。工部官帶領執事人等將大輦兩旁加添一百二十八人肩楨。陳設儀仗。衆皆齊集屆時。

皇帝行朝奠禮。焚楮錢。禮部內務府大臣恭奉。

冊

寶安設鳳輿內。仍在曲柄繖後隨行。昇請

梓宮夫役。分為六十班。輪流昇請。自

永思殿奉移至

山陵。頭班末班俱用校尉。餘班俱選精壯民夫。每班多
備四名。共計七千九百二十名。每宿。

蘆殿前門及

梓宮前點香。各派太監十名。俟香燈止息。出與前門
太監十名。輪班坐更守護。後門派太監二十名
看守。圍牆內外。豫備激桶八座。每宿交地方官。

於

蘆殿周圍設放水缸滿盛清水。

靈駕至日

陵寢大臣派撥官員人等俱在

隆福寺附近地方跪迎舉哀候過隨行

梓宮至

隆福寺暫安處大門外換三十二人小舉由中門入

皇帝於

穆宗毅皇帝前恭代行三跪九拜禮畢恭昇

梓宮安奉於

正殿東次間設黃幔素帷五供香几等項禮部內
務府大臣恭奉

冊

寶於

梓宮兩旁案上供果卓。

皇帝祭酒三爵。每祭行一拜禮。衆隨行禮。焚楮錢。禮
畢各退。○二十二日。行饗奠禮。

儀駕全設陳

冠服篚於供牀。設祭文案於

正殿東次間稍西。讀祝官奉祝文。禮部堂官二員

前引由中門入設於案。供果卓於

几筵前。羣卓於階下兩旁。反坫涼棚設於二門內。楮張設於燎池。齊集者皆辨位集俟屆時。

皇帝詣

梓宮前。東立西嚮。舉哀。衆咸舉哀。尚茶跪進茶。衆皆跪。皇帝舉茶奠於案。行一拜禮。次尚膳進膳。

皇帝上食畢。執事官進奠几。讀祝官於祝案左旁跪。恭展祭文。

皇帝跪。衆皆跪。哀暫止。讀文畢。復舉哀。奉爵大臣跪進爵。

皇帝祭酒三爵。每祭一拜興。衆隨叩興。

皇帝復位立。乃徹饌。讀祝官奉祭文。內監恭請。

冠服篚

皇帝豫出殿門。

冠服至。跪候過興。還次。齊集者按翼排跪候。

冠服過興。隨行至楮堆處候祭文。

冠服恭安於燎牀上。祭酒之親王祭酒三爵。每祭率衆

行一叩禮。哀止興。各退。○二年二月二十日。行

初周年禮。用楮錠五萬。楮錢五萬。畫緞五萬。端

連飯卓三十一張。羊九。酒十五瓶。陳設儀仗。讀

文致祭。衆皆齊集。均青長袍褂。冠摘纓緯。屆時。承祭王入。至門外西旁立。率衆舉哀。茶膳豫供。執事官進奠。承祭王率衆跪。讀祝。官跪展祭文。哀暫止。讀畢復舉哀。承祭王祭酒三爵。每祭率衆行一叩禮。興徹奠。承祭王退立於右。讀祝。官奉祭文至燎所俟。

冠服出。承祭王跪候過。興隨行。恭安。

冠服祭文於燎牀上。承祭王祭酒三爵。每奠率衆行一叩禮。哀止興。各退。○七月初一日。恭逢

孝哲毅皇后誕辰。在

陵直班王大臣一員素服戴雨纓冠恭詣

饗殿門外行禮。

殿門敬閉。停止舉哀。○三年二月二十日。行二周年禮。儀與初周年同。○五年五月十四日。行釋服禮。儀與初周年同。○四年二月二十日。行三周年禮。儀與二周年同。○五年二月二十日。

孝哲毅皇后忌辰遣官詣

几筵前致祭。按照光緒四年

穆宗毅皇帝忌辰致祭之儀。由

陵寢衙門行知承祭官敬謹遵辦。○三月二十六日。

穆宗毅皇帝

孝哲毅皇后梓宮永安

地宮禮成。所有恭題

神主。行虞祭禮。

神牌還京。分別

皇帝親詣暨遣官一切禮儀服色。並閏三月初二日。

神牌升祔

太廟各禮節。均詳載

穆宗毅皇帝大喪儀